



UPUTSTVO ZA UPOTREBU

Urgo filmogel protiv gljivičnih infekcija noktiju

Čemu služe nokti?

Nokat je keratinska površina koja štiti vrhove prstiju na rukama i nogama. Keratin je po sastavu bjelancevina i jedan je od glavnih sastojaka kože. Nokti su krhki, vlaknasti i posebno osjetljivi na vlagu. Keratin u kombinaciji s mineralima, vitaminima, aminokiselinama, mastima i vodom pruža noktima elastičnost, fleksibilnost i snagu.

Kako nokti rastu?

Nokti su tanke keratinske tvorbe (0,5–0,7 mm) odumrlih kožnih ćelija. Te ćelije prestano se stvaraju na tzv. matriksu nokta. Brzina rasta noktiju razlikuje se od osobe do osobe, ali zdravi nokti obično narastu od 0,5 do 1,2 mm sedmično.

Zdravi nokti:

Nokti su meki i glatki i imaju važnu ulogu u zaštiti vrlo osjetljivih vrhova prstiju na rukama i nogama.

Oštećeni nokti:



Oštećeni nokti vrlo su čest problem, a uzroci su različiti. Može biti riječ o fizičkoj ozljedi (često pranje ruku ili pretijesna obuća) ili hemijskoj (upotreba deterdženata i rastvarača), šta može povećati rizik od infekcije gljivicama na noktima (mikoze).

Nezdravi nokti mogu izgledati bijelo ili žućkasto, krhko ili grubo i mogu imati oštre rubove.

O tačnom uzroku nastanka gljivičnih infekcija noktiju razgovarajte s farmaceutom ili ljekarom.

Također razgovarajte s ljekarom u ovim slučajevima:

- Niži dio nokta (roze obojeno područje na skici) izgleda oštećeno.
- Nokat je i bez vanjskih traumatskih faktora pocrnio.
- Imate šećernu bolest ili oslabljen imunološki sistem.

Uzroci oštećenja noktiju mogu biti različiti:

Fizički faktori: vrućina i vlaga, udarci, tijesna obuća.

Hemijski faktori: upotreba deterdženata ili rastvarača može uticati na bjelancevine u noktima.

Gljivične infekcije: možete se zaraziti u svlačionicama, na bazenima, ali u slučaju da već imate drugu gljivičnu infekciju, npr. atletsko stopalo ili rizik od bolesti poput šećerne bolesti.

Urgo filmogel protiv gljivičnih infekcija noktiju pomaže vam u očuvanju zdravih i lijepih noktiju.

Urgo filmogel protiv gljivičnih infekcija noktiju sadrži hidrokspipropil hitozan.

Hidrokspipropil hitozan je prirodan polimer koji djeluje duboko u strukturi nokta i ojačava je.

Nakon nanošenja na površini nokta stvara zaštitni i stabilan sloj filma koji štiti nokat od mikrobioloških, hemijskih i fizičkih faktora.

Proizvod prodire duboko u strukturu nokta i stabilizira ga, ubrzava ponovni rast zdravog, obnovljenog i zaštićenog nokta.

Nanošenje proizvoda:



Urgo filmogel protiv gljivičnih infekcija noktiju jednostavno se upotrebljava. Nanesite ga svaki dan na čiste i suhe nokte.

Četkica omogućuje idealno nanošenje filmogela na površinu nokta, na kožicu pokraj nokta i ispod vrha nokta.

Filmogel je nevidljiv i bez mirisa, brzo se suši i prodire u strukturu nokta, a za njegovo odstranjivanje nije potreban ni rastvarač ni turpijanje.

Proizvod je jednostavan i brzo djeluje, ali je njegova efikasnost ovisna i o vašoj upornosti. Film je topiv u vodi, zato se preporučuje da ga nanesete uvečer prije spavanja da na noktima ostane što duže.

Urgo filmogel protiv gljivičnih infekcija noktiju nije lak pa preko njega možete nanijeti i lak za nokte.

Prije ponovnog nanošenja Urgo filmogela protiv gljivičnih infekcija noktiju odstranite lak za nokte.

Nastavak upotrebe:

Poboljšanje će biti vidljivo s rastom nokta, ali ne očekujte brzo vidljive rezultate.

Što prije počnete obrađivati oštećeno područje, prije će biti vidljivo poboljšanje!

Za tri mjeseca nokti na rukama izrastu prosječno 1 cm, a na nogama 1/3 cm. Sa starenjem se rast noktiju usporava.

Poboljšanje stanja noktiju primijetit ćete u dvije faze:



1. Zaustavit će se širenje oštećenja.



2. Nokti će rasti i tjerati naprijed oštećeno područje, koje ćete odstraniti rezanjem.

Za praćenje poboljšanja izgleda vaših noktiju preporučujemo da u donje skice prije upotrebe proizvoda i nakon svakog razdoblja upotrebe nacrtate kako izgleda ozlijeđeni dio nokta:



Prije upotrebe



Nakon dva mjeseca



Nakon četiri mjeseca



Nakon pola godine

Praktični savjeti:

- Redovno režite nokte na kratko.
- Nakon pranja dobro osušite noge. Posebnu pažnju posvetite prostoru između prstiju.
- Ne upotrebljavajte zajedničke peškire.
- Nosite pamučne čarape i kožne cipele.
- Ne nosite tijesnu obuću.
- U zajedničkim svlačionicama, saunama, na bazenima i pod zajedničkim tuševima nosite papuče.

Nakon upotrebe dobro zatvorite bočicu.

Ne upotrebljavajte proizvod ako ste alergični ili preosjetljivi na bilo koji sastojak.

Čuvajte izvan dohvata i pogleda djece!

Ne upotrebljavajte proizvod nakon datuma isteka roka trajanja, koji je naveden na ambalaži.

Moguće nuspojave: vrlo rijetko na mjestu nanosa može se pojaviti nadražnost kože.

Sastojci: Hidroksipropil hitozan, prečišćena voda, etanol, konzervans

Godina dobivanja CE oznake: 2011.

Datum revizije uputstva: 04.11.2013.

Proizvođač: Laboratoires Urgo, 42 rue de Longvic, 21300 Chenôve, Francuska

Distributer: Medis d.o.o., Brnčičeva 1, Ljubljana

Zastupnik za BiH: Medis International d.o.o., Sarajevo, Ahmeta Muratbegovića 2, Sarajevo

Broj i datum rješenja u BiH: 06-07.27-2934-1/13, 4.11.2013.

Upozorenja:

Upotrebljavajte samo na noktima.

Ne nanosite na rane.

Ne gutajte.

Čuvajte zaštićeno od izvora toplote i vatre.

Za vrijeme upotrebe proizvoda, odnosno dok se sasvim ne osuši, ne smijete pušiti. Također ne smijete pušiti u blizini otvorene bočice.



Lako zapaljivo